



REPUBLIKA E KOSOVËS
REPUBLIKA KOSOVA | REPUBLIC OF KOSOVO
AGJENCIA PËR PARANDALIMIN E KORRUPSIONIT
AGENCIJA ZA SPREČAVANJE KORUPCIJE
AGENCY FOR PREVENTION OF CORRUPTION



Në mbështetje të nenit 5, paragrafi 1, nënparagrafi 1.1, pika 1.1.1, nenit 12 paragrafi 1, nënparagrafi 1.5 dhe nenit 22, paragrafi 3, të Ligjit Nr.08/L-017 për Agjencinë për Parandalimin e Korrupsionit, nenit 21 paragrafi 2 të Ligjit nr. 06/L-011, për Parandalimin e Konfliktit të Interesit në Ushtrimin e Funksionit Publik, neni 11, paragrafi 4, i Rregullores Nr. 03/20023 për Procedurat për Hetimet Administrative në Agjencinë për Parandalimin e Korrupsionit, Drejtori i Agjencisë për Parandalimin e Korrupsionit, me datë 18.07.2025, nxjerrë këtë:

V E N D I M

- I.** Mbyllet rasti me numër të protokollit: APK-DPKI-06-534/25 për zyrtarin e lartë z. Gëzim Tosuni, Anëtar i Këshillit Shtetëror të Cilësisë, pasi që është shmangur gjendja e papajtueshmërisë me ushtrim të funksionit publik për shkak të ndryshimeve të bëra nga zyrtari i lartë për sa i përket funksionit si Drejtor Menxhues në biznes privat, konform nenit 13, paragrafi 1 të Ligjit nr. 06/L-011, për Parandalimin e Konfliktit të Interesit në Ushtrimin e Funksionit Publik;
- II.** Ky vendim është përfundimtar në procedurën administrative dhe i njëjti publikohet në uebfaqen zyrtare të Agjencisë për Parandalimin e Korrupsionit.

A r s y e t i m

I. Rasti i hapur sipas detyrës zyrtare nën dyshimin për papajtueshmëri në ushtrimin e funksionit publik për zyrtarin e lartë z. Gëzim Tosuni, është trajtuar sipas procedurës së paraparë me Ligjin nr. 06/L-011, për parandalimin e konfliktit të interesit në ushtrimin e funksionit publik (në tekstin e mëtutjeshëm: Ligji për Parandalimin e Konfliktit të Interesit).

Agjencia për Parandalimin e Korrupsionit (në vijim: Agjencia) ka filluar trajtimin e këtij rasti sipas detyrës zyrtare pasi që zyrtari i lartë z. Tosuni, krahas ushtrimit të funksionit si zyrtar i lartë publik, respektivisht Anëtarë i Këshillit Shtetëror të Cilësisë, ishte edhe Drejtor menaxhues në kompaninë "GT& Associates Consultancy L.L.C".

Në pajtim me nenin 22, paragrafin 3 dhe 5 të Ligjit për Parandalimin e Konfliktit të Interesit, Agjencia për Parandalimin e Korrupsionit ka dërguar shkresën zyrtare APK-DPKI-709/25, duke e njoftuar zyrtarin e lartë për fillimin e shqyrtimit të gjendjes së papajtueshmërisë në ushtrim të funksionit publik.

Me qëllim të sqarimit të plotë dhe të gjithanshëm të këtij rasti është organizuar dhe mbajtur një takim me z. Gëzim Tosuni, në ambientet e Agjencisë lidhur me këtë rast. Në këtë takim zyrtarit në fjalë i janë bërë të ditura pretendimet dhe provat në dispozicion si dhe i është sqaruar fakti se

gjatë ushtrimit të funksionit publik, ai nuk mund që njëkohësisht të ushtroj funksion drejtues e as të jetë drejtor menaxhues në një kompani private, sepse kjo situatë paraqet gjendje të papajtueshmërisë me ushtrimin e funksionit publik, siç përcaktohet me nenin 13, paragrafi 1, të Ligjit për Parandalimin e Konfliktit të Interesit, ku thuhet se:

“Zyrtari i lartë nuk mund të jetë menaxher, përfaqësues i autorizuar ose anëtar i ndonjë organi menaxhues apo mbikëqyrës i personave juridikë privatë, fitimprurës sipas ligjit përkatës për shoqëritë tregtare dhe organizatave joqeveritare, përjashtuar subjektet e përcaktuara në nenin 14 të këtij ligji, subjektet politike si dhe rastet kur një funksion i tillë i dedikohet me ligj për shkak të funksionit”.

Pas diskutimit dhe sqarimit të të gjitha fakteve, zyrtari i lartë është pajtuar me konstatimet e Agjencisë për Parandalimin e Korrupsionit, duke deklaruar se do të ndërmarr veprime konkrete në mënyrë që të shmangë papajtueshmërinë në ushtrimin e funksionit publik.

Ndërkohë, pas verifikimeve të duhura, Agjencia për Parandalimin e Korrupsionit ka konstatuar se zyrtari i lartë në fjalë ka bërë ndryshimet e kërkuara nga Agjencia, të cilat dëshmohen përmes Dokumentit zyrtarë të Agjencisë për Regjistrimin e Biznese të Kosovës (ARBK), e ku dëshmohet se i njëjti nuk figuron më të jetë përfaqësues i autorizuar në atë Ndërmarrje (Biznes) .

Nga veprimet e ndërmarra nga zyrtari z. Gëzim Tosuni, i cili duke hequr dorë nga ushtrimi i funksionit të personit të Autorizuar- Drejtorit Menaxhues në kompaninë “GT& Associates Consultancy L.L.C” është vërtetuar se janë krijuar rrethana të reja dhe është shmangur papajtueshmëria në ushtrim të funksionit publik, duke konstatuar se është bërë transferimi i të drejtave në udhëheqjen dhe menaxhimin e ndërmarrjes duke u shmangur gjendja e papajtueshmërisë me ushtrimin e funksionit publik për sa i përket funksioneve në biznesin e sipërpërmendur.

II. Agjencia vendosi si në pikën II. të dispozitivit të këtij vendimi, duke u bazuar në nenin 22 [Procedura administrative e Agjencisë për rastet e konfliktit të interesit], paragrafi 12 të LPKI-së, me të cilin është përcaktuar se: ***“Të gjitha vendimet që i nxjerr Agjencia lidhur me konfliktin e interesit në ushtrimin e funksionit publik dhe shkeljen e dispozitave të këtij ligji, përfshirë veprimet e ndaluara ose të kufizuara në ushtrimin e funksionit publik, ushtrimin e veprimtarive të tjera, papajtueshmëritë në ushtrimin e funksionit publik, duhet të respektohen nga zyrtarët dhe institucionet përgjegjëse. Ato bëhen publike në faqen zyrtare të internetit të Agjencisë.”***, si dhe paragrafin 15 të këtij neni, me të cilin është përcaktuar se: ***“Vendimet e Agjencisë në lidhje me konfliktin e interesit janë përfundimtare në procedurë administrative.”***

Nga sa u tha më lartë, u vendos si në dispozitiv të këtij vendimi.

Vendimi iu dërgohet:


Yll Buleshkaj
Drejtor i Agjencisë për
Parandalimin e Korrupsionit

- Zyrtarit të lartë publik
- Drejtorit të DPKI- së
- Z./znj. (zyrtari përgjegjës)